

առաքեցին զափուճիւպաշիք ի չորեսին կողմանս ծովուն վասն քէրէստի, եւ նոքա երթեալ¹⁾ ի հայէ եւ ի տաճկէ առնէին, զծանր ձմեռս ի լերինս հատանելով զնիւթ գործոյն, եւ ի վերայ ձեան զեղինս դնէին²⁾, լծէին ի սայլ, զի բազումք մեռանէին: Եւ յաղքատաց տուրք որ ի գիւղս՝ ի զուռուչ եւ ժ լինէր եւ ի տեղիս շատ՝ մինչեւ շինէին աստ:

Եղեւ եւ զալուստ մէյմար աղային ի Պողազէ՝ կատարելով զբերդսն, զոր շինեցին ի կողմ Ուռումէլոյ և Անատոլոյ, որ է հեռի ժե մղոնաւ ի հին բերդիցն առ ի բերան մեծ ծովուն ովկիանեայ: Եւ մեծութիւն Ուռումէլոյ՝ կանգունս ԲՃՁ եւ լայնութիւն՝ ԲՃԾ, բարձրութիւն պարսպին ժ կանգնաւ և լայնութիւն որմոյն կանգունս Ե: Նոյն ձևով և Անատոլուն՝ ԲՃԾ կանգնաւ երկայնութեամբ և ԲՃԻ լայնութեամբ, գործելով ի նմա ճարտարաց էձ-աց, սակաւ ի Տաճկաց, ԲՃ Յունաց եւ այլն ի Հայոց: Բ տարի ոչ շատ ամիս պակաս վճարեալ զնա պրճերով եւ կէս կէս մղոն լցեալ զծովն յերկու կողման, զի լիցի տեղի կալման թօփերացն եւ են հանդէպ միմեանց բացատ գոլ Ե մղոնաւ: Եւ ուր ուրեք եղեւ անիրաւութիւն՝ քարի և քիրէճի դրամ. նա՛ եւ բազմաց զաւուրն ուճիկ ոչ տալով, այլոց՝ պակաս եւ կէս, բազումք եւ զիպոզ ժամ գտեալ փախչէին մինչեւ ի կատարումն նորին:

Եւ ի գալն ամենայն ճարտարաց եւ ի բազում գաւառաց գործաւորաց նախկին՝ շինեցաւ ի փայտեայ շուկայն մեծ եւ Աղաղափուսին եւ Օտալարն եէնկիւչարեաց յաւել քան զամիսս Ը եւ հազիւ վճարէին, եւ էր ի գընեոջ նիւթ շինուածոյն տախտակն եւ բուճմէլի ասացեալքն Խ-նական ըստակ, եւ Ռ քիրէմիտն

1) երթ.

2) դնէ.